

Ленинэнь киява

ВЛКСМ-нь Мордовской обкомонть ды Саранскоень ошонь комитетэнь газетаст

СЕНТЯБРЯНЬ

9 чн,

1937 ие

№ 103 (782)

ЛКСИ

7-це ие

чинь ютась

ВОЙНАНЬ ФАШИСТСКОЙ КИРВАСТИЦИЯТНЕНЬ ПРОВОКАЦИЯСТ А КАДОВИ БЕЗНАКАЗАННОЙКС

Од ломантнень Международной чись Саранскойсэ

Уцяскав, кенардыця од ломантне, пионерства ды школьниктне пештизь Саран ошонь ульцятнень эсист моросост. Маней ды лембе чинть сынь мазылгавтызь эсист знамятнесэ, флагтнесэ, минек вождтнень портретсэст, певтнеме цецятнесэ, эсист шумбра ды мазый-чистэст.

10 часстнэс стадионось пешкедсь уш демонстрантнэнь колоннатнеде. Вана 6 це номер школань пионертиэ. Сынт оршамо пелест теезь цецясто. Сарлегпромстроень ды пенькокомбинатонь од ломантне эсист колоннаосст невтнэзь эсинек родинанть ванстамонтень анокист. Васень сынт автомашинасонт ульнесь теезь модань шарось, конань эйсэ ванстыть винтовка марто од ломанть. Омбоце машинанть икеле флагсо наряджель СССР-нь государственной гербэсь.

Ровна 10 чассто, менельс кармасть кепетеме вейке-вейке мельга ашо, голубой ды лия цветень шарт. Сынь прок стратостатонь гондолат уить варманть мельгавасов, пельтнень томбалев.

Юной моделистнэ нолтнить аэропланонь, планерэнь эсист моделест. Стадионотнень келес кайсевичь морот, киштить од ломантне.

Митингенть панжизе комсомолонь горкомонь секретаресь Макаров ялгась. Саранскоень трудяца од ломантнень пельде поздравонь васень валонть сон евтнэзе эсинек учителентень, оянтень ды тетянтень Сталин ялгантень.

Те шкантень демонстрантонь колоннатнень икельга ютыть призывниктнэнь вело-эстафетань участниктнэнь.

Приветственной вал марто выступили ВКП(б)-нь обкомонть, горкомонть ды МАССР-нь правительстванть пельде Закит ялгась, ВЛКСМ-нь обкомонть пельде Лысенков ялгась, якстереармеецтнэнь пельде Шутилов ялгась, пионертиэнь ды школьниктнэнь пельде Венберг ялгась, велоэстафетань участниктнэнь пельде Алилеев ялгась.

Весе кортыцятне кучить сюдомат фашистской пираттнэнь, конатне ваявтызь минек „Тимирязев“ ды „Благов“ теплоходтнэнь, кучить сюдомат троцкистско-бухаринской нулгодыктнэнь, конатне эцасть комсомолонть поц ды тейсть тосо эсист подлой тевест. Весе кортыцятне тердсть седеяк пек кепедемс революционной бдительностенть.

Митингесь прядовсь. Но праздникесь мольсь позда чокшнес. Культурань ды оймсемань парксонть мольсть стрелковой соревнованият, вышкасто парашютско киркявтнемат, массовой налксемат,

Италиянь правительствантень СССР-нь правительстванть протестэнь нотазо

Исяк, те иень сентябрынь 6 чистэ, Италиясо СССР-нь Посольствась, СССР-нь правительстванть мереманзо коряс, кучсь Италиянь лия мастор марто тевтнень ветиця министронтень Чиаго господинэнтень протестэнь истямо нота:

„Италиясо Советской Социалистической Республикатнень Союзонь Посольствась явовты итальянской правительстванть вниманиязо сеньлангс, што Советской Союзонь правительстванть распоряжениясо улить кавтолдомас а саевиця доказательстват СССР-нь торговой суднатнень каршо итальянской военной суднатнень агрессивной действиядост. Невтезь действиятне евтаст итальянской подводной суднатнень ендю „Тимирязев“ советской суднанть ваявтомасо, кона (суднась) мольсь Кардифасто Порт-Саидс угулия марто ды кона атаковазь августонь 30 чистэ 22 чассто Алжирэнтэ эйстэ восток енов 120 километрань таркасо. Истямо жо нападения ульнесь теезь „Благов“ советской суднанть лангс, кона мольсь Мариупольстэ Сеттэв асфальтонь туртов пекка груз марто ды кона ваявтомозь те иень сентябрынь 1 чистэ 6 чассто 30 минутсто Скирот островонть эйстэ 15 милян таркасо.

Итальянской правительствась, апак кавтолдо, ловсы, што неть актнэ, конат теезь морской открытой китнева Советской Союзонь торговой уйница суднатнень лангс, кона (Советской Союзось) кирди Италиянь марто нормальной дипломатической отношениат, аштить вопиющей противоречиясо аволь ансяк гуманностень принциптнэнь марто, но международной правань сехте элементарной ды общепризнанной норматнень марто. Теке марто, итальянской суднатнень ендю сеть суднатнень лангс напа-

дениянь актось, конат уйнить СССР-нь флаг марто, колтыть пактонт, кона теезь СССР-нь ды Италиянь ютксо 1933 иень сентябрынь 2 чистэ, ды кона тешксты васенце статьясонть договаривающей эрва енксонть омбоценть икеле обязательстванзо: „кодамо-як случайстэ а каявомс сонзэ лангс, башкаяк, вейке эли зыря колмоце державатнень марто вейсэяк, войнаскань, мода лангсо, морясо эли коштсо кодамо-як нападения“...

Вере невтезь изложениянтэ виензэ коряс, СССР-нь Посольствась СССР-нь Союзонь правительстванть пельде ды мереманзо коряс являвты итальянской правительстванть сехте решительной протест.

СССР-нь правительствась путь итальянской правительстванть лангс ответственностень весекинть политической, истя жо материальной последствиятнень кис, конат означают итальянской военноморской вийтнень агрессивной действият торговой суднатнень кувалт, конат (суднатне) уйнить СССР-нь флаг марто.

СССР-нь Посольствась СССР-нь Союзонь правительстванть пельде уполномочен настаивать икеле пеле те агрессиянтэ решительна пресечениянзо лангс ды целанек возместить зыянонть, кона теезь неть актнэнь результатсост Советской Союзонтень, истя жо сеть зыянтнэнь, конат теезь советской невтезь суднань моряктнэнь, эли сынт семияст туртов. Посольствась уполномочен истя жо настаивать сеть ломантнень примерна наказанияст лангс, конат чумот вере невтезь агрессивной действиятнень теemasост“

ТАСС.

Наркоминделсэ

СССР-сэ Французской ды Британской посольстватне те иень сентябрынь 6-це чистэ Омбо мастортнэнь марто Тевтнень ветиця Находной Комиссаронтень макссть идентичной нотатт, конатнень содержанияст основном истямо:

Французской ды Британской правительстватне ловить, што торговой суднатнень лангс аволь законной каявоматне, конатне предуждениявтомо тейневить ведь алга уйница венчсэ ды самолетсо, конатне кекшнить эсист национальной принадлежностест, тейсть Средиземной иневедсьэнтэ крайне серьезной ситуация ды тейсть необходимокс сень, штобу тердемс средиземноморской ды лия державатнень совещания положенианть толковамонзо туртов ды эрвикс мератнень примамонть туртов. Теке марто вейсэ, Французской ды Британской правительстватне явтыть кемема, што СССР-сэ карми

Протестэнь советской нотанть лангс Италиянтэ ответзэ

Римсэ СССР-нь полпредствась сентябрынь 6-це чинь чокшне получась омбо мастортнэнь марто тевень ветиця итальянской министранть г. Чиагонь пельде нота. Итальянской нотасонть мерезь, што секе жо чистэнтэ получаць протестэнь советской нотась ды мерезь, што Италиясь отвергает ответственностень „известной ваявтоматнень кис, конатне тевест Средиземной морянь восточной частсьэнтэ“ ды отклоняет советской нотанть вешеманзо.

(ТАСС).

Путомс пе фашистской злодеяниятнэнь

Ромодановань од ломантне, товачтницятне ды весе трудиятне юкш мельсэ праздновизь од ломантнень Международной XXIII-це чинть. Митингсэнтэ ульнесь 600 седе ламо ломанть.

Эсь выступлениясонзо райисполкомонь председателесь Кулаков ялгась кортась итало-германской фашистнэнь бандитской тевдест, конат ваявтызь „Тимирязев“ ды „Благов“ советской теплоходтнэнь. Ромодановань весе трудиятне Союзной правительстванть пельде вешить примамс сех казям мерат наглой фашистской пираттнэнь каршо ды путомс пе сынт злодеяниятнэнь.

Вл. Ананьин.

—ooo—

Кеместэ вачкодемс фашистской пираттнэнь ланга

МКСХШ-нь комсомольской организациясь сентябрынь 5-це чистэ ютавтсь собрания, косо ульнесь теезь доклад од ломантнень международной чиденть. Докладчикесь Козьученко ялгась евтнэзе, кода од ломантне эрить капиталистической ды фашистской мастортнэсэ, што сынт арасть политической праваст, арась возможность получаь образования, профессия, кась безработицась, бродяжествась ды лият.

Седе тов евтнэзе, кода аноктыть Германиянь ды Италиянь фашистнэ империалистической од война, ды васняк минек уцяскав масторонть лангс, што сынь ваявтит минек торговой пароходт. Собраниясь примась резолюция, конаньсэ евтнэзе эсист возмущенияст фашистской пираттнэнь злодеянияст кувалт. Студенттнэ вешить, штобу Советской Союзонь правительствась примаволь сех казям мерат итало-германской фашистской пираттнэнь каршо.

Логинов.

Кодамояк пощада илязо уле фашистской бандиттнэнь

Сентябрянь 5-це чистэ минек Шугурова велень Каганович лемсэ колхозонь колхозниктнэ мариш кулянт седе, што фашистской пираттнэ ваявтызь „Тимирязев“ минек теплоходонть.

Колхозниктнэ эсист собраниясо невтизь пек покш ненавистест неть разбойниктнэнь. Сынь мерсть, што эрва минутасто аноктано арамс боевой строис эсинек родинанть ванстамо. Вешть, штобу фашистской бандиттнэнь кодамояк пощада илязо уле.

Эсист резолюциясо сержадо:

„Злодейской те вылазканть каршо ответкс минь шкастонзо прядсынек сюронь урядомонть, шкадо икеле тонавтсынек государств сюронь ускоманть ды седеяк кепедьсынек революционной бдительностень.

Собраниянь мереманзо
коряс В. Аношкин.

Тонавтниятнэнь негодованияст

Ардатовань педагогической училищасонть сентябрынь 4-це чистэ ютавтозь митинг, косо теезель сообщения седе, што фашистской пираттнэ ваявтысь советской теплоходт. Тонавтниятнэ вейкетть мельсэ евтась негодования пиратской действиятнэнь кувалт. Сынь вешть являвтомс тень каршо решительной протест ды те емс сень, штобу фашистской бандиттнэ икеле пелев авольть снартотейнемс истят провокационной тевть.

Тонавтниятнэ кортасть седе, штобу седеяк пек кепедемс революционной бдительностень ды пеле пев таргсемс народонь врагтнэнь, седе вадрасто, отличко кармамс тонавтнеме.

Ст. Быков.

Седе, кода фашистской разведчиктнэ снартнить эсист гнушной цельтнесэ тевс нолдтнемс эйкакштнэнь

Фашистской государстватне, Советской Союзонть лангс каявомо анокстазь, кучиньт миненек шпионт, диверсантт, террористт.

Фашистской неть агенттнэ пуримть шпионской сведения минек Якстере Армиядонть, промышленной предприятиянде, снартнить тейнемс кирвастнемат, взрывт, поездитнэнь крушения, снартнить тейнемс покушения советской работниктнэнь, стахановецтнэнь эрмомст лангс.

Фашистской государстватне шпионкс, диверсантокс ды террористэкс используют аволь ансяк опытной предательтнэнь, аволь ансяк троцкистско-бухаринской ды лия бандиттнэнь.

Мездеяк апак нулгоде, фашисттнэ снартнить эсист гнушной ды подрывной цельтнэнь туртов тевс нолдыть истяжо эйкакштнэньгак.

Фашистской разведкатне ловить, што эйкакштнэнь вельде сынест

Весела Ромодановань призывной пунктсонть. Столтьнэнь ланга лапезь шашкат, шахматт, газетат, журналт, патефон, кавто биллиардт.

Гармошка марто ды моразь сыть призывной пунктонть Анненковской велень призывниктнэ. Сынст ютксо Ромодановской спиртзаводонь стахановецэ Суровенков, типографиянь рабочеес Куколев, МТС-нь старшей агрономос Бурмистров ды лият.

Ушодовсь призвесь. Вейке-вейке мельга совить шумбра, виев,

Од ломантне вадрасто ютавтызь эсист праздникест

Сентябрынь 5-це чинь чокшнестэнт Инсаронь од ломантне ульнест кизень театрасонть. Тосо теезель доклад од ломантнэнь Международной XXIII-це чиденть. Докладонть мейле ульнест невтезь „Крестьяне“ звуковой кинокартинась. Теде мейле ульнест

уцяскав од ломантне комиссиятнэ. Комиссиянь столенть икелев сась „Красный пахарь“ колхозонь комсомолецэс Кажав ялгась. Сон корты, што РККА-нь рядтнэс моли пек покш кенярдкс марто, вечксы военной теветь.

Кажавень примизь Якстере Армияв.

Якстере Армияв примазь эрва призывникс комиссиянь кабинетстэнт лиси пек кенярдозь секс, што сон карми ванстамо эсинек родинанть.

В. А.

Конференциясь ютась виев критика марто

Сентябрынь 7-це чистэ прядызе эсь роботанзо комсомольской конференциясь Ромодановасо.

Конференциясь мольсь кавто чить. ВЛКСМ-нь райкомонь секретарент Казакова ялганть отчетной докладонзо коряс прениясо кортасть 24 ломанть, конатне кемест критиковизь райкомонть роботанзо. Кортницятне сехте ламо

лотксемат, кишнемат, морамот... Сентябрьнь 6-це чистэ, 3 чассто саезь ды позда чокшнест од ломантне вадрасто, веселасто праздновать эсист праздникенть Исса леенть чиресэ. Тосо ульнест духовой ды струнной оркестрат.

Ив. Пузаков.

Кочказь од вожатой

Кочкуровань район. Од Мурза велесэ неполной средней школасонть ули пионерской организация, эйсэнь 120 пионерт, но сон те шкамс эзь работа. Августонь 31-це чистэ комсомольской организаци-

ясь ютавтсь собрания, косо толковазь пионертнэнь ютксо роботадо вопроссь. Вожатойкс кочказь Батаев ялгась. Сон макссь вал парсте арамтомс роботанть.

Баранов.

Тонавтнемс отлично

Покш-Березникень район. Косогоронь велень советэсь вадрасто анокстызе НСШ-нть тонавтнема од нентень. Класстнэ витнезь одов, стенатне белазь, партатне одт.

Сентябрынь васень чистэ ушодовсь занятиятне.

Тонавтниятнэ кенярдозь максть вал, штобу тонавтнеме кармамс парсте ды отлично.

Н. М.

УЦЯСКАВ ОД ЛОМАНТНЭНЬ МОРОСТ

Октябрьской Ине революциянь годовщианентень курок топодить 20 иеть. Эсинек родинанть касомань ды виемемань шканть перть овси лияктомсь колхозной велескак. Революциядонть икеле Сайне велесэ арасель мик начальной школаяк, арасель, истяжо сермас содыяткак.

Овси лиякс ашти ней тевес Сайне велесэнь. Тосо колхоз, клуб, ловнома кудо, школа, косо тонавтиять уцяскав 120 эйкакшт. Теде башка те велень 40 эйкакшт тонавтиять Кабай велень средней школасонть.

Секскак Сайне велень од ломантне ладить ды морыть морот ине Сталиндэ, конась максызе тест уцяскав те эрмонть:

Седеяк, седеяк мандалина,
Покш мелем ули морамс.
Видестэ мерсь Сталин ялгась—
Весела, паро эрямс.

..

Умарица сад мастором,
Валдо чисан, скупапан.
Теть пасиба, ине Сталин,
Уцяскавсто мон эрян.

Ив. Батяйкин.

Дубенкань район.

Призывниктнэнь роботаст

Кочкуровань район. Воеводской велень советэсь ды партийно-комсомольской организациятне парсте аравтызь воспитательной роботанть призывниктнэнь ютксо. Призывниктнэ: Фомина Н. Фомина И., Тиликов Г., конатне кемекстазь бригадатнева, сюронь урядомо шканть перть кусть самосброскас, норманть тонавтизь 180 проц. Ветясть массово-разъяснительной работа, ловность газетат, журналт, тонавтнест ВКП(б)-нь ЦК-нь февральско-мартовской Пленумонть решениятнэнь.

Г. Баранов.

ской разведкатнэнь туртов Советской Союзонть каршо сынст бо-роцямосонть.

Фашистской кой кона государстватнесэ улить организовазь шпионажонть коряс специальной школат, козонь таргсезь эйкакшт, конатнэнь те школанть прядомадо мейле кучиньт Советской Союзонь.

Истя, эщо гражданской войнаень метнест польской граничанть лангсто ульнесь кундазь шпион, кона евтнесь, што 1919 иенть прядомсто Луцкой уездень (Польша) зярыкементь крестьянской эйкакшт, сехте пек урозтнэнь ды неимущейтнэнь ютксо, поляктнэ вербовакшность шпионтнэнь школасонть тонавтнеме. Школась ульнесь Дубно станциянь маласо поселкасонть. Тосо тонавтнест 12 ды седе ламо иесэ черынеть ды тейтерькат.

Эйкакштнэнь тонавтсь рузонь ды украинской кельтнэнь ды сехте пек шпионской разведкань эрва кодат приемтнэнь. Сынст тонавтсь, кода пурнамс сведеният Якстере Армиядонть, кода сермалемс неть сведениятнэнь, кода теевемс содавиксэкс советской эйкакштнэнь марто, кода совсемс

сынест квартирас, кода салсемс документт ды лият.

Ды неть эйкакштнэ, конат мейле кучозельт минек масторов, ветясть гнушной ды кежей тев, конань тееме сынст кучнизе фашистской разведкась.

Кода минек эйкакштнэнь тевс нолдтнэ омбо мастортнэнь шпионтнэ, неяви истямо факсто, конась ульнесь 1937 иень август ковсто Белоруссиянь вейке частьсэнь.

Колмо перынеть, конатнэнь эйстэ эрванть 10 иеть, сеедьст кармасть яксеме воинской вейке частень территория лангс. Тесэ сын озадо аштыль, ваньныль якстереармеецтнэнь тонавтнемасть мельга ды кой-зардо пурныль кшнить, ловажат ды утильсырьян лия предмет.

Мастэ сын истя тейнить, тень содамо кувать кияк эзь арсеяк. Но аволь умок якстереармеецэс-комсомолецэс Смирнов ялгась вансь, кода эйкакштнэ пек седейшкава кочкись конев-пангскетнэнь. Вопросонть лангс, мейсь сын кочкись коневнэнтнэнь, черынетнэнь эйстэ вейкесэ отвечаь: „Минь сонзэ тожо макстнэ-тано, ансяк аволь складс, но дядя

Тонавтницятне нолдазь кудов

Фельдшерско-акушерской шко-
ланть директорось Сычев эзь ар-
сеяк, што тонавтнама ись сонэ
застанасы аволь анокс, но лисць
истя.

Тедице одс примась 640 сту-
дентт, сынесть жо зрямо совамс а
козонь, секс 1-це курсонть сту-
денттнэнь савс кучомс кудов сен-
тябрянь 10-це чис.

Омбоце ды колмоце курстнэнь
общегитиясо тесна ды пек аволь
культурна (рудаз ды пуль), арась
анокстась эрва студентнэнь пос-
тальной принадлежносткак.

Жойни.

Анокстыть телентень

Березникень район. Косогор
велень „Большевик“ колхозось
кармась анокстамо телентень ско-
тинатнэнь туртов помещениатнэнь.
Колхозной кардазось, косо эрять
алашатне, вельтязь одс, кардотне
белязь, телентень парсте анокста-
монть коряс конюхтнэ ютксо моли
сопсоревнование.

Н. Мокшов.

Толковизь кочкамотнеде од законотъ

Кочкуровань район. Воеводс-
кой велень „Коминтерна“ колхо-
зонь допризывниктнэ ютксо (доп-
ризывниктнэде 35 ломанть) сента-
брянь 3-це чистэ вельсоветнэнь
председателесь Прохоров ялгась
ды комсомолонь первичной орга-
низациянь комитетнэ секретаресь
Сурков ялгась толковизь СССР-нь
Верховной Советс кочкамотнеде
Положениянь. Положениянь тол-
ковамсто допризывниктнэ макст-
нэсть ламо вопроств, конатнэнь
лангс Прохоров ды Сурков ялгати
не макстнэсть толковой, чаркоде-
видя ответт.

Гр. Баранов.

Вася ВОДЯСОВ

ЧОКШНЕ

Тундонь чокшне морыть цекотнэ,
Иневедьстэ кепти сувось.
Пиже парсей оршасть паксятне,
Пандонть эшкка кузи ковось.

* * *

Перьканзо пингс слянь пингедень,
Мазый тейтерькс невтьс мазынэ.
Теке ванькс ведьга венчекс уезь,
Номаштозь ютм покш кинэ.

* * *

Уи, уи сон коштонть пакси,
Мызодозь вань вьренень.
Масторонть ланга валдо кайси.
Цецаь, жойница садонтень.

* * *

Ванан сенежды менелентень,
Лыкинить тешти, валдомовь вась.

Ванан хрусталькс цитни леентень,
Молить ведьведьтывкст педэ-пес.

* * *

Ванан ды паро седеезнь,
Перькаван чевте, тавтей кошт.
Кизень цецят саянь кедезнь,
Конат кенярдстыть велеть, ошт.

* * *

Пуви вармась, венстни келенэ.
Пристон сорновты кудрав черть.
Марян тракторонть вайгеленэ.
Паксясо соки чокшнэнь перть.

* * *

Марян тейтерень гайги вайгаль,
Моры весела, ине шканть.
Истамо шка мирсэнь арасель;
Косо моравольть уцясканть!

Сарап ош, 1937-це ие.

Е. АГЕЕВ

Частушкат

Эх, сэн валана менельстэнь
Валдосто вань ней чись.
Вечкемам получаь орден
Пек покш героизмань кис.

* * *

Од Конституциянь коряс
Покшт ды вейкетть праванок.
Минек туртов тень максыв
Сталин родной тетанок.

* * *

Тенек война а эрви,
Минек меленев—свал мир.
Кодань мон пек кенярдан,
Лелям вьводонь командир.

* * *

Сад пиресэ каси цеця,
Правэ масторов жомась.

Монь вечкемам—од тейтересь
Комсомолс течи совась.

* * *

Верьга, верьга сталень нариуь
Ливтнэ масторонть велкссэ.
Сталин ялганть вакссо Мана
Ульнесь Кавкосоце С'ездсэ.

* * *

Гайгезь гайгек, гармония,
Пильгень путнэзь мон киштнэ.
Нузякс Гара пия нерне,
Мон ланговот а варштан.

* * *

Сэн менельганть ливтнэ планер,
Планеристась монь патам.
Паксясо комбайна пуи,
Комбайнерэсь монь тетам.

Махаил СУРКОВ.

Трактористка

Чись раки, пургси валдосо,
Цековось чольни вирьсэ.
Олда соки кшннэнь айгорсо
Келей леенть чиресэ.
Веселасто моры моронть.
Паксясь, менелесь гайгить

Пшти лемехт раужо моданть
Пластонь-пластонь велявтыть.
Чевте вармась Олдань рунгонть
Састо валны эшкесэ.
Тейтерентень покш уцяска
Улемс кеме руль эшкесэ.

Пивцэмактнэнь прядызь

Покш Березникень район. Сента-
брянь 1-це чистэ Шугурова ве-
лень „Вейсэ“ колхозось прядызе
весе культуратнэнь пивцэманть.
Меельцекс пивцэсть суро, ды
макссть трудочитне лангс аванс.
Аношкин Ф. Ф. колхозникесь—
ударникесь трудочинэ лангс аванс
получась 55 понт, Бояркин П. К.
—41 понт, Яськин П. М. полу-
чась 36 понт. Предварительной
ловномань коряс неяви, што эрва
трудочис колхозниктнэ получить
5—6 килограммт чистой суро.

Пивцэмактнэнь прядомадо мейле
колхозниктнэ тейнэсть урожаень
праздник, косо ульнэсть угощени-
ят, колхозниктнэ киштнэсть ды
морасть.

Сентябрянь 4-це чистэ колхоз-
никтнэ паро мельсэ, ударнасто
кармасть модамарень таргамо.

В. А.

Панемс жуликтнэнь, аравтомс достойной роботникт

Дубенкань район. Кабай веле-
сэ почтань отделениянь заведую-
щекс роботась А. Денцов, кона
эсь жульнической тевсэнэ доп-
рок лоткавтызе газетнэнь ды жур-
налтнэнь лангс сермадстоманть.

Ней те оймевтеме бюрократось,
жуликесь роботасто панезь ды
максось судс.

Связеень районной отделэсь ку-
чизе заведывающекс Учаевень, ко-
на истя-жо а снартни тевенть
аравтомс кода эрви. Кармась ви-
надо симеме, жульничамо посы-
кань кучеме ды лия тевсэнь.
Пример: августонь 25-це чистэ,
Агеева Н. С. Баку ошов кучсь 11
килограммт 200 граммт посылка,
кучомань питнэсь 14 ц. 30 тр., сон
сайсь 15 ц. 30 т. Истят жульничес-
кой тевтнеде ламо.

Эривить панемс жуликтнэнь,
сынст таркас аравтомс достойной
роботникт.

Е. Агеев.

Васянен, сон тень кис макстни
тенек конфеткат ды коневсто тей-
ни голубкат.

Кие жо ульнэсь те „дядя Ва-
сясь“? Сон ульнэсь шпион. Сень
содазь, што цырынетне сеельстэ
эрсить воинской частенть терри-
тория лангсо, сон макссь тест за-
дания кочксемс мик сезнезь ко-
невятнэнь. Шпионось коневонь
неть пангскетнэнь клейсекшнэнь
ды сынст коряс тейнекшнэсь све-
деният воинской те частеценть.

Эли вана эщо факт седе, кода
шпионтнэ тевс нолдыть эйкакшт-
нэнь.

Чи валгома ено граница лангсо
минек пограничниктнэ кундызь 15
несэ С. подростоконть се шкас-
тонть, зярдэ сон ютыль грани-
цанть трокс.

Сонэ марто ульнэсть шпион-
ской зярья документт, конатнэнь
сон снартнэсь кандомс эсь марто-
зо ды максомс минек марто рядек
государствань омбо масторонь раз-
ведкантень.

Погранотрядсонть С. евтнэсь
седе, кода сон кармась лездемо
шпионтнэнь.

„Тевесь ульнэсь истя. Монь ара-
сельть а тетям, а авам, эринь эй-
какшонь кудосо ды тосто орго-

динь. Понгинь вор юткс. Сынст
кармавтомаст коряс мон эцннэнь
зепс ды салсннэнь ярмакт ды доку-
ментт. Весть вейке покш вор поз-
накомил монь парсте оршазь, ма-
лав сыре, „служащей“ марто, ко-
нась роботась вейке учреждения-
со. Тонась, сень содазь, што мон
могу „добувакиномс“ документт,
мерсь монень микшнемс сынст со-
ненэ. Сехте пек сон интересовал
ся партийной ды комсомольской
билетнэнь эйсэ.

Салынь зяро бути документт,
мон макснэнь сынст се „служа-
щеентень“, конась парсте пандсь
монень.

Зяро бути шкань ютазь сон
макссь монень поручения ускомс
пакет пограничной вейке ошс е-
тазь адресэнь коряс.

Тедэ мейле сон монень макснэсь
зярья лия порученият ды, меельсэ
пелев, решизе использовать монь
седе пек важной заданиятнэнь тур-
тов—кучомс монь марто границань
трокс шпионской материалт. Сон
арсесь, што советской границанть
трокс подростоканть покшонть
коряс седе шождыне ули ютамс.
Точной инструкциятнэнь получа-
модо мейле, кода ютамс грани-
цанть трокс ды кинень модемс

границанть ютамодо мейле, мон
туинь пограничной районь. Но
границанть ютамс эзь савт: монь
кундымизь пограничникт.

„Служащеес“, конань аресто-
визь НКВД-нь органтнэ ды кона
макснэсь заданият С. подросткан-
тень, ульнэсь омбо масторонь
покш шпионкс.

Кода нейдядо, фашистской раз-
ведкась а лоткси мезеяк лангс,
штобу вербовамс эйкакштнэнь ютк-
сто эсист агентт ды тевс нолдамс
сынст прок орудия минек социали-
стической родинанть каршо эсист
злодейской, разрушительной робо-
танть туртов.

Могут ли эйкакштнэ, пионертнэ
ды школьниктнэ, предотвратить
фашистской шпионтнэнь снартне-
маст тевс нолдамс шпионской робо-
танть туртов эйкакштнэнь? Могут
ли эйкакштнэ предотвратить го-
сударственной тайнатнэнь разгла-
шениянт? Нама, могут ды долж-
ны.

Тынк эйстэ эрвась должен
улемс бдительнойкс, осторожнойкс,
сех пек сетнэнь марто, конатне
кевкстнить тынк тетят, авать эли

старшей братот роботадоств, доку-
менттэ, чертеждо, адреснэде ды
заводтнэнь ды учреждениятнэнь
расположениядо.

Бути кудосо тетят эли ават со-
давикс ломань марто ветить ко-
дакак кортнемат, конатнесэ раз-
глашаются секретт, государствен-
ной тайнат, тынь должны човора-
домс ды меремс покштнэнь,
штобу тедэ авольть кортне. Бути
тыненк яла теке савсь случайно
марямс вешат, конатне, кода ты-
ненк марявить, могут теэмс инте-
рес шпионтнэнь туртов, то кинень-
гак, мик сехте малавикс ялгань
туртов неть вешатнеде илядо ев-
не.

Овси илядо нолдтне, штобу тынк
ютксо организовакиновольть ко-
дакак группат „тайнственной“
лем, „секрет“ марто. Фактнэ
невтсь, што неть группатнэнь
экшс, конатне организовакшнэнь
буто налксематнэнь туртов, аволь
чуросто кекшнэви шпионь, ино-
странный разведкань кедь, конась
тевс нолды эйкакштнэнь эсист
злодейской цельтнэнь туртов.

В. К.

(„Пионерская правда“)

ССР-нь Союзонь ЦИК-сэ

СССР-нь Центральной Исполнительной Комитетэс тейсь постановления И. Е. Любимов ялганть каямс СССР-нь Легкой Промышленностень Народной Комиссаронь постсто, И. Г. Еремин ды Н. Г. Мышков ялганть каямс Легкой Промышленностень Народной Комиссаронь заместителень постнэстэ.

СССР-нь Легкой Промышленностень Народной Комиссарокс СССР-нь ЦИК-сэ кемекстызе В. И. Шестаков ялганть, сонзэ васень заместителекс Н. С. Сытытов ялганть ды СССР-нь Легкой Промышленностень Народной Комиссаронь заместителекс Г. А. Малявин ялганть.

Серма редакцияв

Мон велень хозяйствань техникумонь прядомадо мейле (1935 нестэнт) карминь роботамо Рудавкань МТС-сэ участковой агрономокс. Те шканть перть мон лангсо эрва кода нарыгы ды по корды МТС-нь директорось Бунинь.

Васняк, сон монень эзь пандо под'емнойть 250 целковойть. Зарплата а пандылить 5—6 ковт. Сехламо ды васолце колхознэс тень савкшны яксемс ялго, лишме а макснить, Бунинь кортни: максат тест лишме, сын сонзэ муця сызь.

Бунин эрва кодамо валсо пижни монь лангс, роботниктнэнь ютксо сон кирвасти великодержавной шовинизма. Ерестов сторожось эрва кода кортни мокшонь келенть кувалт. Бунин тень каршо кодаткак мерат а прими, сон, мекейлангк, те теветь шы.

Мон монсь мокшо, Бунин эрва кода эйсэнь покорды ды путыль весе виензэ, штобу МТС-стэнт монь панемс. Участковой лия агрономтнэнь сон эрванть колмокс-нилексть кучинизе курсов, монь эзимим кучне вестькак. Ней МТС-нтень эзь кадово вейкеяк агроном-мокшо, Бунинэнь кувалт весе сын тукшность эли пансезь. 1935 нестэнт 1937 иес МТС-канть ютасть 23 агрономт. Ней кадовсть аняк 7. Те корты седе, што Бунин разлагал роботанть. 18 иесэ тейтерь-комсомолка Михайлова, Бунинэнь зверской отношенианзо кувалт, маштызе эсь прынзо. Тень кisé Буининэнь ульнесь являвтозь обвинения, но сон кадовсь мекс бути атак чумондо.

Бунин кеместэ ульнесь сюлмавозь МАССР-нь "Земледелиянь наркомонь" икелень полавтыцянь-врагонть Шиповский марто.

Мон роботынь первичной комсомольской организациясонть комсоргокс, тосо лангс таргилинь Бунинэнь подлой теветь, зверской отношенианзо. Бунинэнь критиковинек сень кisé, што сон эсинзэ обслуживающейкс кирди кавто робочейть, конат тензэ уштит банят, ланзыть пенгт дылият. Сон жо сынест ярмакт панды прок конюхнэнь. Тень кisé Бунин монь каймим роботамо, тень кувалт молдась наглой приказ.

Р. Бояркин.

Редакциянт пельде: кемдяно, што республикань прокурорось провэрасынзе сермасонть евтазь фактиань ды прими эрявикс мерат.

„Н—209“ самолетонть вешнемась**Арктикасо погодась берянь**

Арктикасо икеле ладсо погодась берянь. Франц-Иосифень Модань архипелагонть вельксэ пельтне аштит пек алкине таркасо, Желания мысэнт лангсо кирди Советской Союзонь Героонть Шевелев ялганть экспедициянзо, конась анок ливтамс Рудольф островонтень.

Советской Союзонь Героось Головин ялгась ливтниця венчсэ Дудинкасто ливтась Оленокс.

Арктикань американской секторсонть кувать аштиця берянь погодась эзь максне возможность летчикентень Задков ялганть ливтамс Краснознаменной ледоколонть „Красинэнь“. Сентябрянь 5-це чистэ Задков парсте ливтась ледоколонть. Вадра погоданть теевеманзо марто Задков ялгась сеске жо ливти „Н—209“ самолетонть вешнеме.

(ТАСС).

Физкультурной роботась стувтозь

Ичалкань райононь физкультурной организациясь 1936-це нестэ республикань келес ловокшныль сехте вадрякс. Районной организациясонть „ГЮ-нь“ ды „БГТО-нь“ значоктнэнень максокшныль норматнень 200 ломанде ламо. Ламоксть ульнесь республиканской спортивной соревнованиянзэ, косо сайльть васень эли омбоце тарка.

Лиякс ашти теветь ней. Физкультурань теветь коряс районной комитетэс мезеяк а роботы. ВЛКСМ-нь райкомось физкультурной роботанть а лови эсинзэ те-векс.

Кавто кодово теде икеле райцентранть строясть парашютной вышка, тосо жо мезеяк а эрси. Ответственной руководителне кайсит теветь республиканской комиссиянт лангс, што вышкась атак прима, секс кодамоак робота а ютавтыть.

Физкультурник.

Эйкакштнэ кадозь зсь олязост

Чамзинкань район. Киржеман велесэ эйкакшонь яслань заведующеек роботы Бурцакина, кона пек беряньстэ мелавты эйкакштнэнь кisé. Эйкакштнэнь кадо-сызь скамост, сын чийнить пуль потмова, весе рудазовт, прыст ды пиле удалкост тапсезь. Ясласонть медицинской надзор арась.

Эйкакштнэ мелга якицятнэнь отношенияст пек берянь, секс эйкакштнэ ясласонть орголить.

Содыця.

Газетань кантлиця

Березникень район. Косогор велень сермань кантлицясь Коля Пьянзин парсте организовизе эсь роботанзо. Сон парсте ютавтызе колхозниктнэ ютксо газет лангс сермадстоманть, ламо колхозникт получить газетат. Пьянзин газетатнэнь колхозниктнэнень кантлиця эрва чистэ валске 8 часосто. Арасель вейкеяк случай, штобу сон аволь кандо те шкастонть калхозникентень газета.

Н. Мокшов.



СНИМКАСОНТЬ: Мадридсэ Антон Мартин площадьсэнь кудотнэнь эйтэ вейкесь, кона тапазь фашистской бомбардировкасонть.

Границань томбале

100 тыщадо ламо од ломанть примасть участия массовой митингнэсэ, промкстнэсэ ды демонстрациянзэ, конат ульнесь ютавтозь од ломантнэнь Международной чистэнт весе Чехословакиясонть.

Оружиянь склад мусь парижской полициясь арестоваз 3 ко-трабандистнэнь квартирастост. Полициясь весемезэ мусь 300 автоматической пистолетт, 20 пулеметт, ламо патронт ды лия боеприпаст.

Арестовазтне—фашистской партиянь члент.

(ТАСС).

Местьяк атак тейне

Кочкуровань район. Заготзернонь первичной комсомольской организациянь комсоргось Слугин кодамоак робота организациясонть а вети. А роботы политзанятиянь кружокось, улить организоваз добровольной кружокт: ОСО-нь СВБ-нь, МОПР-нь, робота эйсэст арась. Од ломантень ютксо комсомолс анокстамось а моли. Вообще организациясь эри-ашти местьяк атак тейне.

Те организациянтень кемекстаз Семилей велень почтасо роботыця колмо комсомолецт, конатнэнь марто истя жо робота арась. Почтань заведующеесь Китаев робота панизе комсомолецтнэ Немойкин ялганть, мезень кisé—кияк а соды, комсомольской организациясь жо те теветь ванномо эзь снартояк. Комсомолонь райкомось а соди, кода эрить ды роботыть комсомольской организациянтне, комсомолецтнэ, живой руководства, лездемо арась.

Г. Б.

„Пионерэнь вайгель“ журналдонть

Минек пионертнэ, эйкакштнэ те шкас яла эзизь получа „Пионерэнь вайгель“ журналонь 5-це номеранть (май ков) Аволь шкастонзо лиснесь икелень номертнэяк. Весе те лиснесь редактортнэнь Люпаевень ды Силантьевень чумост кувалт ды литонь уполномоченноонть Прокинэнь чумонзо кувалт. Редакциясь позда максниль типографияв материалтнэнь, тосояк сеске жо а кармилить лангсонзо роботамо. Мейле, зярдэ уш наборось кармилить улеме анок, сон ковоп ков аштекшнэнь редактортнэнь ды литонь уполномоченноонть кедьсэ.

Май ковоп номеранть икелень редакциясь анокстакшнызе аняк июль ковопнэнь. Мейле сынест мельга весе материалось савсь тееме одс, кой-кодат сермадовкест ертомс ды сынест тарказост путомс одт.

Ней майской номерэсь лисць печатьстэ. Тосо печатазь Андрэ Гоборонь евтнемасто савекс Германиясо маенъ васень чиденть, минек од сермадыцятнэнь стихт, Л. Толстоонь евтнема („Пожар“), народной евкс. Журналсонть улить зярыя рисункат. Номеранть питнезэ 20 трешникт.

Вейсэ кармить улеме нолдазь июнь ды июль ковоп номертнэ. Тосо карми улеме евтнез северной полюсонть изницятнеде. Советской Союзонь геройтнеде, Московето Северной Америкав ливтямотнеде. Максозь интересной материал фашистской шпионтнеде. Истя жо вейсэ кармить улеме нолдазь август ды сентябрь ковтнэнь номертнэ. Теде мейле журналось эрва ковоп карми лиснеме шкастонзо.

Журналонть лангс сермадстомань питнесь истямо: вейке номеранть питнезэ 20 трешникт, колмо ковс питнесь—60 трешникт. Пель иес—1 целковой 20 трешникт ды цела иес—2 целковой 40 тр. Журналонть лангс сермадстоманть примить сермань весе кантлицятне ды почтовой отделениятне. Капшадо сермадстомо „Пионерэнь вайгель“ журналонть лангс!

Журналонть редакциясь.

УДОБРЕНИЯНТЬ А УСКИТЬ

Ардатовань станциясо ускозь ды купяс вализь эрва кодат минеральной ламо удобренийт. Сын умок уш аштит станциясо ды емсиль. Колхозтнэ жо эйсэст а ускить.

Удобрениянтне эрявить ускомс колхозтнэс.

Григичев.

Шкань ответ. редакторось Д. АДУШКИН.